



Nuuk ulloq 29. juuli - 2019

Inatsisartut Suleriaasianni § 37 imm. 1 naapertorlugu Naalackersuisunut apeqqutit imaattut matumuuna saqqummiuppakka:

Naalackersuisunut apeqqutit:

- 1. Naalackersuisut oqaatigisinnaanerlugu nunatsinni aallarnisaasartunut suliniutit suut aallartinneqarsimanersut, Greenland Businessip aamma SIUA INUvationip saniatigut?**
- 2. Naalackersuisut oqaatigisinnaanerlugu aallarnisaasartunut, sullivinnut aallarterlaanut aamma sullivinnut minnersut immikkut suliniutinik aallartitsisoqarsimanersoq (ataatsimiik qulinut sulisulinnut aamma sulliviit piginnittunit taamaallaat ingerlanneqartut eqqarsaatigalugit) takornariartitsinerup iluani?**
 - Taamaassimappat suliniutit suut aallartinneqarnikuuppat?
- 3. Namminersortuaqqanut immikkut tapiissuteqartoqartarpa, immikkut suliniuteqartoqartarpa aamma attaveqartitsisoqartarpa?**
 - Tassunga atatillugu immikkut eqqarsaatigalugit (sulliviit qulit ataallugit sulisullit) sulliviit piginnittunit taamaallaat ingerlanneqartut aamma kissaateqartunut takornariaqarnerup ingerlanneqarneranut amerlanngitsunik aningaasaliissuteqarniarlutik?
- 4. Takornariartitsinerup iluani aallarnisaasartunut aamma nutaaliortartunut sunik piumasaaqateqartoqartarpa pineqartillugit pisortanit qanoq ilinerani tapiissutinik pissarsisinnaasannginnersut, apeqqut 3 akuersaartumik akineqarsimappat?**
- 5. Piumasaaqatit suut tunngavigalugit tapiissutinik tunniussisoqartarpa, apeqqut 3 akuersaartumik akineqarsimappat? aamma sulliviit minnerit eqqarsaatigalugit immikkut tapiissutinik qinnuteqartoqarsinnaava kiisalu sulliviit piginnittunit taamaallaat ingerlanneqartut immikkut eqqarsaatigalugit?**
- 6. Aallarnisaasartut mikisunik suliffiutillit naapertuuttumik unammillerneqarnissaat qularnaarumallugut suliniutit suut aallartinneqarnikuuppat, taakku namminersorlutik oqartussanit tamakkiisumik ilaannakoortumilluunniit pigineqartunit unammillerneqarsimapapta aamma/imaluunniit inuutissarsiutit taaneqartut iluanni kommuninit pigineqartunit sullivinnit unammillerneqarsimappata?**
- 7. Naalackersuisut isumaqarpat namminersortut naapertuummik pitsaasunillu atugaqartinneqartut immaqaluunniit pisortanit pigineqartuni ingerlatseqatigiiffinnit takornarialerisunut naleqqiullutik atungarissaarnerusut?**
 - Oqarama sulliviit pisortanit tamakkiisumik ilaannakoortumilluunniit pigineqartut aamma eqqarsaatigaakka angalatitseqatigiiffiit, akunnittarfiit, allaffiit takornarialerisut aamma Kalaallit Nunaanni ataatsimoortut misigisassat pillugit neqeroorutigineqartartut?
- 8. Naalackersuisut sunik nakkutilliissutinik peqarpat qularnaarniarlugu eqqunngitsumik unammilleqatigiittoqannginnissaa?**
 - Tassani eqqarsaatigaakka ingerlatseqatigiiffiit tamakkiisumik ilaannakoortumilluunniit namminersorlutik oqartussanit pigineqartut namminersorlutik suliffilorsimasunut naleqqiullugit?

(Inatsisartunut ilaasorta, Tillie Martinussen, Samarbejdspartiet – Suleqatigiissitsisut)



SULEQATIGIISITSISUT
SAMARBEJDSPARTIET

Tunggavilersuut:

Qularutissaanngilaq tamatta kissaatigigatsigu inuutissarsiortortagut nukittunerussasut.

Namminersorlutik Oqartussat ukiorpassuarni oqaatiguarnikuuaat takornariaqarneq siuarsartariaqartoq aamma inuutissarsiorneq naliginnaasumik siuarsartariaqartoq taamatullu namminersortut nukittorsartariaqartut periarfissaqartillugu.

Takornariaqarneq pillugu pilersaarutit suliffeqarfinnik pisortanit tamakiissumik ilaannakoortumilluunniit pigineqartunik tunggaveqartup - taamaasillunilu aningaasanut inatsimmik artukkiisartut eqqarsaatigigaanni - kiisalu sulliviit angisoorsuit suliniutillu eqqarsaatigigaanni - takujuminaassinnaasarpog inuutissarsiortut minnerusut, sualummik takornarialerinerup iluani, ilumut pisortanit eqqarsaatigineqartarnersut.

Isertorneqassanngilaq Kalaallit Nunaanni pisortat qurangiisimasorujussuummata, amerlasuutigut. Aamma sulisitsisutut, nutaaliortutut, inuutissarsiutinut nutaanut tapiisartutut taamaakkaluartorli siunertaasumik siunertaanngitsumilluunniit pineqartunut kinguarsaasutut aamma inissisimavoq.

Taamaattumik soqutiginarpoq tusassallugu Naalakkersuisut immaqalu kommunit suliniutinik sunik, nakkutilliinernik sunik kiisalu kaammattuutinik sunik aallartitsissamaarnersut qularnaarumallugit sulliviit sapinngisamik namminersortunit pigineqartut. Nutaaliornerup aallarnisaasarnerullu iluini kiisalu takornariartitsinerup iluani nutaaliornerup aallarnisaasarnerullu iluini.

Allatut oqaatigalugu; sullivinnik pilersitsiortornissaq qularnaarusupparput, takornariaqarnerup allisarnissaa qularnaarusupparput taamaakkaluartorli naammattumik suliniutiginerparput namminersorlutik inuutissarsiortut aamma inissaqartinnissaat - naak mikisunnguugalarunilluunniit aamma sulliviit piginnittunit taamaallaat ingerlanneqartut?

Suleqatigiissitsisuni isumaqarpugut pilersaaruteqarneq ajunngitsuusoq iliuuseqarnissarli suli ajunnginnerussasoq. Aamma isumaqarpugut pisariaqarluinnartoq namminersortut amerlanerunissaat aamma pisortat nunatsinni inuutissarsiutinik allanngortiterinissamut ilisimasatik inerisartariaqaraat, pisortat ingerlataat namminersortunngortinniarlugit, periarfissaqartillugu. Piffissaq ungasinnerusoq isigalugu tamanna tamanna iluanaarutigissavarput.

Apeqqutit akeqqunearput ullut qulit iluanni.

Tillie Martinussen

Samarbejdsparitiet - Suleqatigiissitsisut